

Lah ban wan rung ki koidi ba lait phet na ki patok ka Bangladesh sha India: BSF

New Delhi, Nailar:

Ki la don palat 1,200 ngut ki koidi, kynthup ki lehnoh, kiba la lait phet na ki patok ka ri Bangladesh ha kine ki sngi, naduh ka jinghiar shuki jong ka Myntri Rangbahduh barim kane ka ri ka Sheikh Hasina, bad la ong ba kine ki lah ban rung bad phetrich sha ki bynta jong ka ri India ha ryngkat ki tiar siat jong ki.

Haba la ioh khubor halor kane, ki shipai iada khap-pud ki la nang pynjur bad pynkhlaiñ shuh shuh ia ki jingpahara bad peitngor ha ki bynta khappud bad la bthah ruh ia ki nongshong shnong ba kin long kiba husiar bha halor kane.

Ki jingïakynad ki la neh mynta da ki taiew ha Bangladesh ha kaba ki la don palat 300 ngut ki brieve kiba la iap ha kaba kane ka la pynlong ia kiba bun ki nongshong shnong ba kin leit phetrich shipor sha ki ri bamarjan kiba don ha ki khappud.

Hiar ka KSU sha ki thaiñ khappud & iasyllok bad ki shnong

"Ngi long kiba la khreh ban iakhun lada wan tur beaiñ ki khar Bangladesh"

Shillong, Nailar:

Ka KSU West Jaiñtia Hills District Unit ryngkat bad ka KSU War Jaiñtia Circle ha ka 7 tarik Nailar 2024 ka la leit jurip sha ki bynta ka thaiñ Dawki-Amlympiang bad kiwei ki jaka khappud bad ka Ri Bangladesh na ka bynta ban iakynduh bad ki nongïalam jong ki shnong ban iathir iasyllok halor ka jinglong jingman ha shi lynter ki bynta khappud khamtam halor ka jingjia ka kam poh-iing jong ka Ri Bangladesh.

Ha kane ka jingïakynduh lang, ka seng ka la ioh ban iamir jingmut ia bun ki mat bad ki Dorbar Shnong. Na ka liang ki shnong bad ka seng ki la ia shim ia ka rai ban long kiba la khreh ban iakhun lang ia kino-kino ki jingïaleh lada ka long ha kano-kano ka bynta ruh lada ki khar Bangladesh ki thmu ban wan tur beaiñ shapoh ka Ri, l ong ka kyrwoh na ka KSU.

Ha kane ka sngi, ka seng ka la ioh ruh ban iakynduh ia u Officer Incharge jong ka Infiltration Dawki bad la ioh jingtip ba ki nong Bangladesh ki pyrshang hi ban rung sha Meghalaya (India) hynrei kim ioh shuh ban rung namar ba ka ophis Migration jong ka Bangladesh ka la khang.

Na ka liang jong ka seng ka la ioh ruh ban jurip ia katto katne tylli ki jaka kiba ki khar Bangladesh ki ju pyndonkam ban rung tuh sha ka Jylla Meghalaya (India). Kawei na kine ki jaka ka dei ha ka shnong Amlympiang ha kaba bunsien ki khar Bangladesk hi ioh lad bha ban rung shapoh ka Ri bad la ioh jingtip ba haduh mynta ki khlem don ki BSF ban peit pyrman ha kane ka jaka.

Ka seng ka la ioh ruh ban iakynduh ia ki nongïalam shnong ka Bakur bad Dawki bad ki iathuh ba haduh mynnin na ka liang ki khar Bangladesh ki la wan ban tur ha ryngkat da kaba khlong ia ki maw palat ia ka jaka kaba tip kum ka No Man's land (Zero-point). Na ka liang ka Dorbar Shnong ka kwah dik-dik ban pynbeit noh ia u pud u sam uba biang namar haduh mynta na ka liang ka jong ki (Dorbar Shnong Dawki) ki ju kohnguh bad iatrei lang bad ki bor kiba dei peit, hynrei ki khar Bangladesh ki wan khlong jubor ia ki maw da kaba tam pud na ka por sha ka por. Kumta na ka liang ka seng kan sa shim ia ki sien jam na ka bynta ban iada ia u pud u sam bad ka jingshong shngaiñ ka ri bad ka jaid-bynriew hi baroh kawei.

Pyrshah jur ka Jalyiah Khliehmyntriang ia ka 'Draft' jong ka Delimitation Committee Khliehriat, Nailar:

Ka Jalyiah Khliehmyntriang Joint Committee ka la ieng pyrshah ia ka jingpyntylla ia ka Draft jong ka Delimitation Committee JHADC halor ka jingphiah MDC Konstitwensi hadien ka Public Hearing.

Ha ka jingïalang kyrkieh kaba la long ha ka 31 tarik Naitung (July) 2024, ka Jalyiah & Khliehmyntriang da kawei ka jingmut ki la shim ia ka rai ban pyrshah jur ia ka jingpyntylla jong ka Delimitation Committee ia ka draft ba la dep pyn-sngew paidbah ha ka public hearing kaba la long ha ka 11 tarik Naitung ha Khliehriat West Community.

"Ngi pdiang ia ka draft jong ka Delimitation Committee lada ngi hap sha kano-kano ka Konstitwensi ruh, tangba ngi dei ban don ha kajuh ka Konstitwensi baroh ar shnong kata ka Jalyiah bad Khliehmyntriang kumba la dep pynbna ha ka draft ba nyngkong hashuwa ka public hearing," la ong ki nongïalam ka Jalyiah Khliehmyntriang Joint Committee.

Katkum ka jingtip kaba tikna mynta pat ka Delimitation Committee ka la pynkylla khongpong ia katei ka draft ba la dep pynbna ha ka public hearing da kaba phiah ia ka shnong Khliehmyntriang sha ka Musniang Rangad MDC Konstitwensi katba ia ka shnong Jalyiah pat ka pynneh ha ka Muthlong Sohkymphor MDC Konstitwensi, kumta ki la pyrshah jur ia kane ka jingleh jong ka Delimitation Committee.

Ki la ong, kane ka jingleh jong ka Delimitation Committee ka long kaei-kaei kaba ym lah ban pdiang namar ba ha ka jingpynsngew paidbah (public hearing) ki pynbna da kumwei katba hadien ka jingpyn-sngew paidbah ki la leh sop-sop pat da kumwei wat haba ym don ba pyrshah ruh.

Baroh shi katta ka shnong Jalyiah bad Khliehmyntriang ki don ha kajuh ka Konstitwensi, sa kawei ruh ka polling station jong ka Khliehmyntriang ka dang hap hapoh ka shnong Jalyiah.

Kumta na ka liang ka shnong Jalyiah bad Khliehmyntriang ki kyrpad ia ka Delimitation Committee ban leh ia kaba donkam da kaba buh lang ia ka Jalyiah bad Khliehmyntriang ha kajuh ka Konstitwensi kumba juh long baroh shi katta.

Halor kynnoh thombor ia ka khynnah hapoh 18 snem

Haduh 16 tarik ai por ki kynhun seng ia ki pulit ban kem ia uba shah kynnoh

Tura, Nailar:

Ki kynhun seng bapher-bapher jong ka West Garo Hills ki la ai por haduh ka 16 tarik Nailar ia ka tnad pulit ban kem ia uba shah kynnoh donkti thombor ia kawei ka khynnah (hapoh 18 snem) - ha ka jingjia kaba la jia ha ka 2 tarik mynta u bnai.

Kitei ki kynhun seng ba kynthup ia ka GSU, FKJGP, AYWO, ADE, APA bad AHAM ki la phah ia ka jingujor sha u Superintendent of Police, West Garo Hills ban dawa kem mardor ia uba shah kynnoh donkti ha katei ka kam.

Katkum ka jingujor ba la ujur da kitei ki kynhun seng, katei ka jingjia ka la jia ha ka 2 tarik Nailar ha kaba ki nongshong shnong ki la lap ia kawei ka lanot ba dang hapoh 18 snem ka rta (kaba don ha ka 'uniform') ha ka rukom ka bym iahap ha ka kudam jong ka dukan ba la long trai da utei uba shah kynnoh donkti.

Ka ejahar, katkum ka jingbatai ka lanot, la ujur ha katei ka por ha Garobadha Investigation Centre. Hynrei, namar ka jingbym kem ia uba sha kynnoh donkti wat hadien 5 sngi, ki kynhun seng lem bad ki nongshong shnong ki la pynpaw ia ka jingbym hun haba iadei bad ka jingthokit.

Katei ka kynhun ka la kynnoh ruh ia u 'Investigating Officer' halor ka jingbym shimkhia ia katei ka kam wat la ka 'mobile phone' jong uba shah kynnoh donkti ka dang meh sah hynrei kam shym la don kano-kano ka jingpyrshang ban lap dien ia u.

Katkum ka jingujor, ia ka kopi jong ka ejahar ym shym la ai sha ki bahaiing jong ka lanot ne iasam ruh ia ki jinglap na ka kaiphod eksamin (medical report) sha ki. La kynnoh ruh ba haduh mynta, kam shym la don kano-kano ka jingïasyllok kaba la ai sha ka lanot na ka liang ka DCPO.

Haba maham ba ka don ka jingbym sngewtynnad na ka liang ki paidbah kiba la bitar halor ka jinglong-jingman, kitei ki kynhun seng ki la dawa ban kem mardor ia uba shah kynnoh donkti hapoh katei ka tarik lym kumta kim banse ban iaid shakhmat bad ka jingïakhih.

Lada mih noh 3 ngut ki MLA Congress, ngan sah satang ma nga marwei: Ronnie

Shillong, Nailar:

U nongïalam ka liang pyrshah ha iingdorbar thawaiñ, Bah Ronnie V Lyngdoh uba dei u MLA ka Congress na Myllichem, u la ong ba haduh mynta um pat tip tikna la kita lai ngut ki MLA Congress kin leit ban pyniasoh sha ka seng NPP.

Haba u nongthoh khubor u la ioh ban iakren kyrpang bad u Bah Lyngdoh ha phyllaw ka shlem treikam jong ka Khasi Hills Autonomous District Council (KHADC) hadien ba u la wan iakynduh ia u CEM Bah Pyniaid Syiem u la ong ba haduh mynta ym pat don kita ki MLA Congress ban pyntip ba kin rung noh sha ka seng NPP.

"Lada kita ki lai ngut ki MLA Congress kin mih noh, nga la sah satang marwei kum u MLA" u la ong.

Haba u nongthoh khubor u la pyrshang ban kylli da kiwei pat ki jingkylli, u Bah Lyngdoh um kwah than ban jubab namar u ong ba ia kane ka kam un sa wad jingtip ba kham bniah la ka dei ne em kaba shisha.

Kum ban shu pynkynmaw, lai ngut ki MLA Congress kiba pynkhreh ban rung sha ka seng NPP kaba ialam ia ka sorkar jylla ki long u MLA na Umsning constituency Dr. C Lyngdoh, u MLA na Mawhati constituency Bah Charles Marngar, U MLA na Nongstoiñ constituency Bah Gabriel Wahlang.

Ki khubor ki iathuh ba kine MLA Congress ki thmu ban leit pyniasoh pura sha ka seng NPP namar kim kwah ba ha KHADC kin iatreilang bad ka NPP katba ha iingdorbar thawaiñ kin shong sha liang pyrshah namar u Bah Gabriel Wahlang, Bah Charles Marngar bad Bah Ronnie V Lyngdoh ki dei ki MDC bad MLA.

Ki khubor ki iathuh ruh ba kane ka jingthmu ban rung sha ka seng NPP ka dei namar ba u Bah Vincent H Pala uba dei u President ka MPCC u don bha ka jingïa-jan bad ki nongïalam ka NPP.

Shuh shuh ki khubor ki iathuh ba naduh ba mih ka khubor, kane ka jingïakren hapdeng ki nongkyrshan jong kine ki MLA bad ka jingïakren bad ki nongïalam ka NPP ka dang iaid shwa ban rung pura sha ka seng NPP.

Sa kawei ka khubor ki iathuh ba ka jingbym lah u Bah Lyngdoh ban rung sha ka NPP ka dei namar ka jingkhang kam shym la plie namar la don lypa u MLA barim uba dei ruh u Myntri barim ka Sorkar MDA-1 u Bah Hamlet Dohling uba long mynta kum u nongaibuit jong u Myntri Rangbah ka jylla u Conrad K Sangma, katba kiwei ki constituency kim da don jingeh ia ki MLA Congress ban rung sha ka NPP.

Pynjari kyndon 163 BNSS ban khang pyrshah ia ka jingïalum brieve

Mairang, Nailar 07

U District Magistrate ka Eastern West Khasi Hill District, u Bah G Kharwanlang, IAS, la la pyntreikam da ka kyndon 163 BNSS kaba khang bad mana pyrshah ia ka jingïalum brieve kaba palat ia ka 5 ngut ha ka por mynmiet hadien ka 11 baje mynmiet. Ka kyrwoh khubor na u District Magistrate ka la ong ba la khang pyrshah ruh ban rah ia ki tiar pynmynsaw ha ki jaka paidbah bad ban die ia ka petrol ne umphni-ang sharak ha ki kynja klong kaba lah ban pyndonkam ban shna ia ki tiar pynbthei ne petrol bom hapoh ka Eastern West Khasi District.

U District Magistrate u la ong ruh ba kino-kino kiba ialeh pyrshah yn pynshitom ia ki katkum ki kyndon jong ka section 223 BNS Act 2023. U la pyntip ruh ba kane ka hukum kan treikam mardor tad haduh ynda pynbna da kumwei pat.

SHYAM CENTURY FERROUS LIMITED				
CIN: L27310ML2011PLC008578				
Regd.Office : Vill.: Lumshnong, PO: Khaliéhriat, Dist. East Jaintia Hills, Meghalaya - 793210				
Phone: 03655-278215, Fax: (033)22483539				
Email: investors@shyamcenturyferrous.com; website: www.shyamcenturyferrous.com				
Ka jingmih na ka Financial Results kaba khlem Audit na bynta ka Quarter ba kut 30 Jyiliew, 2024				
(₹ in Lacs)				
Ki Jingkdew	30.06.2024 (Khlem audit)	31.03.2024 (Ba audit) (Peit Note-3)	30.06.2023 (Khlem audit)	31.03.2024 (Ba audit)
Ka jingjioh na baroh ka Jingtreakam	2,826.47	4,272.69	4,101.84	14,670.66
Ka Jjingiohnong Net Profit/(Duhnong) na bynta ka kylla (hashwa ka khajna, laitnoh kiwei ki mar bad lane ki mar kiba kham pher)	(276.27)	(221.00)	300.21	131.54
Ka Jjingiohnong Net Profit/(Duhnong) na bynta ka por (hashwa ka khajna, laitnoh kiwei ki mar bad lane ki mar kiba kham pher)	(270.05)	(170.55)	210.03	72.66
Baroh ki jingjioh na ka bynta ka por (kynthup ia ka jingjiohnong / (Duhnong) na bynta ka por hadien jong ka khajna bad kiwei ki jingjiohnong hadien jong ka khajna)	(271.65)	(171.73)	209.81	66.26
Ka Paid up Equity Share Capital (Face Value kaba ₹ 1/- iwei)	2,121.73	2,121.73	2,121.73	2,121.73
Ka jingjiohnong ha manla kawei ka Share (kaba Jong ₹1/- iwei)				
-Basic & Diluted (Not annualised) (₹)	(0.13)	(0.08)	0.10	0.03
KA JINGKHMIH NA BYNTA KA FINANCIAL RESULT				
1. Katei haneng ka financial result kaba khlem audit kumba la khmih bniah da ka Audit Committee lah ioh jingmynjur ha ka jingïalang jong ka Board of Directors ia kaba la pynlong ha ka 9 tarik u Nailar, 2024.				
2. Ka Company ka la trei ia ka kam ban pynmih ban shna bad die ia ki ferro silicon. Bad ym don da kawei pat ka repotable segment katkum ka Ind A5108, "Operating Segments".				
3. Ki jingkleh jong ka quater ba kut 31 u Lber, 2024 ki mih kum ka jingapher hapdeng ki jingkleh ba audit ha kaba iadei bad u snem mang tyngka ba pura ha ka 31 tarik Lber, 2024 bad ka jingkleh ba khlem audit ba la pynmih ha u snem bad tarik na ka bynta ki khyndai bnai ha kaba kut ka 31 tarik Nohprah, 2023 ia kaba la wan-rah ruh hakhamat ka jingkhmih jong ka limited review da ki Statutory Auditors.				
4. Kane hajong ka dei shi bynta na ka jingkleh ba pura jong ka Financial results ia kaba la pynrung ia ka bad ka Stock Exchanges hapoh ka Regulation 33 jong ka Securities and Exchange Board of India (Listing Obligation and Disclosure Requirement Regulations, 2015). Ia ka thup kaba pura jong ka jingkleh lah ban ioh ha ka website jong ka Stock Exchange (www.seindia.com bad www.bseindia.com) bad ruh ha ka website jong ka Company (www.starcement.co.in).				
5. Ia ki jingkleh jong ka kylla ba la dep/snem kaba rim la dep ban kyllum biang bad bhai biang ban pyniahap bad ka jingbhaih jong kane ka kylla kaba mynta, kat haba donkam.				
Da ka hukum jong ka Board				
Na ka bynta ka Shyam Ferrous Limited				
Sd/-				
Aditya Vimalkumar Agrawal				
Managing Director				
DIN: 03330313				
Tarik : 9 Nailar, 2024				
Jaka : Kolkata				

OFFICE OF THE DISTRICT & SESSIONS JUDGE,
WEST KHASI HILLS DISTRICT,
NONGSTOIN

ADVERTISEMENT

No. DSJ/NGN.69/2015/ 18,

Dated: Nongstoin the 6th August 2024

The District Selection & Promotion Committee, West Khasi Hills District, Nongstoin, invites applications (**offline mode only**) in the establishment of the District & Sessions Judge, Nongstoin and Judicial Magistrate First Class, Mairang from Citizens of India who are desirous for filling up the posts as mentioned below:

The last date for submission of application: 6th September 2024

Sl. No	Name of Post(s)	No. of Vacancy(s)	Pay Level	Category of Post		Educational Qualification	Requirement
				UR	KJ & G		
1.	Stenographer Grade-II	1 (One) Nongstoin	Level-11 Rs. 37,800/-	UR		Bachelor Degree from a recognized University with Diploma in Stenograph) in English or Degree with its equivalent	Minimum speed of 100 wpm in Shorthand and Typing Speed of 40 wpm in Computer
2.	Stenographer Grade-III	1 (one) Nongstoin 1 (one) Mairang	Level-8 Rs. 30,300/-	UR		Bachelor Degree from a recognized University with Diploma in Stenography in English or Degree with its equivalent.	Minimum speed of 80 wpm in Shorthand and Typing Speed of 40 wpm in Computer.
3.	LDA	3(three) Nongstoin	Level-5 Rs. 24,700/-	1 UR	2 KJ&G	Bachelor Degree from a recognized University with Computer Knowledge	
4.	Grade IV	1 (one) Nongstoin	Level-1 Rs. 17,400/-		KJ&G	SSLC passed from a recognized Board	

SUBMISSION OF APPLICATION:

Candidates are to apply and submit their applications through offline mode only on or before **6th September 2024 latest by 5.00 PM** in the establishment of the District & Sessions Judge, Nongstoin.
Completed applications must be submitted with 2 (two) copies passport size Photograph, attested/self-attested copies of certificates in support of educational qualifications, age and experience certificate Candidates will have to produce the original certificates as and when required.
One self-addressed envelope (23cmx10cm) affixed with postage stamp of Rs.5/- (five) must be attached with the filled-in application.
Candidates applying for more than one post should submit separate Application form for each post along with requisite application fee.
Applications received through any other mode will not be accepted and will be summarily rejected.

PAYMENT OF FEES:

Applicants are required to pay the fee of **Rs. 300/- (Rupees three hundred) only for General and Rs. 150/- (Rupees One hundred fifty) only for SC & ST.**
The requisite fee as indicated above is payable by Demand Draft in favour of **The District and Sessions Judge, West Khasi Hills District, Nongstoin**. The Demand Draft should have been drawn on or after the publication of the advertisement from any branch of State Bank of India. However, candidates are after the publication of the advertisement from any branch of State Bank of India. However, candidates are advised to keep a copy of the receipt after payment and produced it along with the application form. Candidates must also write his/her name, address and post applied for, on the back of the Demand Draft.

No claim for refund of the application fees shall be entertained nor shall the fees be held in reserved for any other examination.

AGE LIMIT:

Candidates must have attained the age of 18 years and not more than 32 years of age as on **1st July 2024**. Upper age limit is relaxable by 5 (five) years in case of SC/ST candidates. The date of birth to be accepted is as entered in the Matriculation/Secondary School Leaving Certificate or a certificate issued by the institutions recognized by the Govt. of Meghalaya as equivalent to Matriculation or an extract from the official Registers duly certified by the proper authority of the Board of School Education. Proof other than these will not be accepted. No age bar in respect of Govt, employees, who entered Govt, service within the prescribed age limit.

Reservations of Vacancies:

As per Reservation Policy of the Government of Meghalaya. Preference should be given to the candidates residing permanently in the District.

INSTRUCTION TO CANDIDATES:

1. Applicants are advised to apply well in advance without waiting for the closing date.

2. Government Employees are to produce NOC from the Appointing Authority when called for personal interview, failing which candidature will be rejected.

3. Incomplete/unsigned applications and applications received without prescribed fee, photograph, attested copies of required certificates such as educational qualifications, caste, experience etc. and those received after the prescribed last date for receipt of application will summarily be rejected without any communication to the candidate. No further correspondence will be entertained in this regard.

4. Candidates are advised to carefully go through the eligibility criteria prescribed for each post such as educational qualification, age and satisfy themselves that they are eligible for the post before applying After such scrutiny a Proposed of Eligibility list shall be published and hosted in the District & Sessions Court website (<https://districts.ecourts.gov.in/districtandsessionsjudgenongstoin>) as well as in the office Notice Board.

5. Original certificates are to be produced at the time of personal interview. Candidates failing to produce the aforementioned documents on the day of interview will have their candidature immediately disqualified.

6. Candidates are advised to keep track of any notice relating to the examination and Admit Card can be collected from the office of the District & Sessions Judge. West Khasi Hills District, Nongstoin.

7. Candidates must appear for examination and personal interview, etc. at his/her own expenses.

Sd/-

Secretary

District Selection & Promotion Committee

District & Sessions Judge,

West Khasi Hills District,

Nongstoin

MIPR No. 677
Dt : 09/08/2024